

- M-D-L-C** Tu'en as de l'espéthane. Tch'est que tu crai tchi s'en va t'inviter à dîner?
- Hélène** *(Hallant ses souilyiers qui li pinchent les pids.)*
- M-D-L-C** l' faut souffri pour être belle... Tch'est qu'est l'homme que tu'est à chassé.
- Hélène** *(Ritonne.)*  
En v'la assez de mes affaites. Mais dit mé as tu oui tes vouaix dernièthement?
- M-D-L-C** Oui, je les ouai touas les jours et je sis prête à m'mettre au liet d'main et che s'ai mains riditchule que té dans tes falbalas. Tu né m'as pas dit le nom de tan gallant.
- Hélène** Je n'aime pas ta tchestion.
- M-D-L-C** Tu m'fais sué avec tes siffèches! Si j'm'écoutais je't chaqu'thais jusqu'a tchi tan fichu chapé tchèrait.
- Hélène** N'êprove pas à faithe ditet Rahelle *(mârie)* je t'garantie que tu'en attrap'thas pour tes quatre sous.  
*(Hélène dèshalle un p'tit mitheux et pinche ses joues pour lus donner d'la couleur.)*
- M-D-L-C** Té et mé j'avons té bouans amins pour bein d's années – a apart des deux-trais mais que j'étions souatre Bill Lêcaudey. J'n pouvais pas t'souffri dans chu temps la.
- Hélène** Ni mé ninnetout – j'éthais peut t'minchi.
- M-D-L-C** Je'n sait ou écque qu'il est le Bill Lêcaudey à ch't'heu?
- Hélène** Mmmmmmm...
- M-D-L-C** Ch'est pus probablye qu'il est mort.
- Hélène** Je crai que tu t' trompe la ma vielle.
- M-D-L-C** J'ai tant envie de vaie ta belle robe de séthée en bliu v'lour. Tu n'éthas p't'être pas d'invitation à dîner – et che s'a des sous perdus.